

Pflücke den Tag

Habb ich doch vor e paar Daach enn alte Freund getroffe unn mir hawwe iwwer sell unn jenes geschwätzt. Uff oomol sächder zu mir: Du, Honnes, ich waaß nit, irchend ebbes iss vor korzern mett merr bassiert.

Ich war richdisch erschrocke unn habben gefroocht: Um Gotteswille, Schoo, was iss dann bassiert?

Doo hotter gegrinst. Nix Schlimmes. Also was mir bassiert iss: Ich seh unn heer uff oomol gonz neie Sache. Also so ebbes wie dass jetz die Beem bliehe, dass die Omsele singe unn so. Stell derr vor, wie ich gestern unne om Moo spaziern gonge bin, habb ich driiwe uff de Raunemer Seit enn Voochel singe heern, so schee, dass ich stehe gebliwwe bin unn dem zugeheert habb. Ich habb joo nit gewusst, wass fern Sänger dess iss, awwer dann hott sich enn Monn newer mich gestellt unn hott gesaat, dasses doch immer widder was Scheenes iss, wenn e Nachtigall singe dut. E Nachtigall?, habb ichen gefroocht, ess iss doch heller Daach unn doo singe die schunn? Unn dann hawwe mir zwaa doo gestonne unn hawwe der Nachtigall zugeheert – ich, der die gonz Zeit froh gewese iss, e Atzel vonnere Daub ze unnerscheide!

Unn wo kimmt dess her mettem Sehe unn Heern, habb ich gefroocht, hosde jetz e nei Brill unn aach e nei Hörgerät odder was iss?

De erst hotter Dollbohrer zu mir gesaat unn dann hotter versucht mirs ze erklärn. Waaßde, merr werdd halt älder, unn noochdem vor e paar Woche moin Nochber gestorwe iss, der noch e paar Jahr jinger iss ... naa, war als ich, habb ich emol nachts doodriiwer noochgedenkt, dass die Sach mettem Sterwe aach so longsom uff mich zukimmt unn dass ...

Ich habben gestumpt. Jetz heer emol uff. Du bist doch noch gut druff, du konnst hundert Jahr alt wernn.

Konn joo soi, moonter druff, awwer ess kann aach moie odder in de nächst Woch basiern. Unn jetz versuch ich, jeden Daach unn jed Stund ze genieße. Ich guck nooch de Biene in moim Äppelboom, heer de Veechel zu, schnupper om Flieder unn mach dess alles, so als ob ichs Nächstjahr nimmi erlewe det. Unn glaab merrs, uff oomol werdd die Welt so bunt unn schee, wie ich se eichtlich noch nie erlebt habb. Ja, dess isses, was vor korzern mett merr bassiert iss: Ich versuch jeden Daach so ze erlewe, als wens moin letzte wär. So, awwer jetz machs emol gut, ich will doo hinne nooch de Ente gucke, die hawwe Junge unn dess mächt merr Spaß, die all zesomme schwimme ze seh.

Dann iss de Schoo weitergonge unn hott mich mett moine Gedonke alloo gelosse. Honnes, habb ich gedenkt, was de Schoo doo gesaat hot iss wirklich nit verkehrt. Ich glaab, so was nennt merr „Carpe diem! Pflücke den Tag!“ unn dess hawwe schunn die alte Römer gewusst. Awwer wenn merr jung iss, Familie hott, vill schaffe muss dass die Kinner nit nor satt wernn, sonnern aach e gut Schul besuche kenne, dann hott merr ferr so Sache koo Zeit. Erst wenn merr e bissje älder iss, fällt dem oone odderm onnern oi, dasser vielleicht was Wichdisches vergesse hott in soim Lewe. Wenn dann noch e bissi Zeit bleibt dess alles so ze seh unn ze heern wie ewe de Schoo, dann kennt merr saache: Ess iss e bissi spät, awwer sicher noch nit allzu spät.

Eiern Honnes